



西溪叢語自叙

嘗讀新論云若小說家合叢殘小語以作短書有可觀之辭子以生平父兄師友相與談說履歷見聞疑誤攷證積而漸富有足採者因綴緝成編曰爲叢語不敢誇於多聞聊以自怡而已紹興昭陽作噩仲春望日刻川姚寬令威識

刻西溪叢語叙

宋馬端臨紀載小說家無慮什百近世每刻輒彙數十家然雅俗並陳正靡間出覽者或不嫌云往過西京馬西玄氏獲見姚寬西溪叢語文質而達辨據而哲事綜

而博義則而新往往足備攷證有裨經史匪直括異紀
談啓顏貧暇而已余竊愛焉久不去于心頃過三石齋
子又復見之問所從即西玄抄本也第多脫誤不便披
省遂相與校覈一過屬臨溪楊子刻之武昌叙曰宋姚
寬無顯名觀其自叙蓋博聞多識之士也又自言嘗按
嶺外出守會稽或曰寬善天文言時事有驗將除郎卒
官止六部監門今皆不可攷見然其書則藝苑不可廢
者別有西溪居士集五卷見端臨通考獨此不列於小
說豈端臨去寬時未及書固未盡出邪嗟乎寬以瑣辭
綴緝歷數百載尚有表著之者况大千此者乎故君子

西溪叢書卷上

宋剡川姚寬撰



周易遯卦肥遯無不利肥字古作蜚與古蜚字相似即
今之飛字後世遂改為肥字九師道訓云遁而能飛吉
乾大序美曰飛
飛遯無不利肥遯
而遷也曹子建七啓云飛遯離俗程
氏易傳引鴻漸于陸為鴻漸于逵以小狐之齊
汽當為訖豈未辨證此耶

論語云狐不狐狐哉狐哉
牛御駘引此注云孔子曰
削觚而志有所念觚不特成攻曰觚或觚哉觚小器耳

取證

一卷上

心不專一尚不時成况於大事乎觚木簡也史游急就章云急就奇觚與衆異注云觚者學書之牘或以記事削木爲之或六面或八面面皆可書觚者稜也有稜象也

許氏說文念音呼介切忽也引孟子孝子之心不若是念今所傳孟子曰爲不若是愬趙岐注云愬無愁貌公明高以爲孝子不得意於父母自當愁然豈可愬愬然無憂哉許氏說文用古文纂集成之引用念字恐爲正也

舊於會稽得一石碑論海潮依附陰陽時刻極有理不

知其誰氏復恐遺失故觀古今諸家海潮之說者

多矣或謂天河激湧葛洪朝說亦云地機翁張現洞正盧肇

以日激水而潮生封演云月周天而潮應挺空入漢山

湧而濤隨施師謂僧隱之言析木大梁月行而水大見寶叔源

殊派異無所適從索隱探微宜伸確論大中符九年

冬奉詔按察嶺外嘗經合浦郡廉州浚南溟而東過海康

雷歷陵水州泐恩平州住南海州迨由龍川州抵潮陽

潮泊出守會稽州移蒞勾章州已上諸郡俱浚海濱朝

夕觀望潮汐之候者有日矣沙潮退也得以求之刻漏究之

消息消息退十年用心頗有準的大率元氣噓翕天隨氣

而漲歛溟渤往來潮隨天而進退者也以日者衆陽之
母陰生於陽故潮附之於日也月者太陰之精水乃陰
類故潮依之於月也是故隨日而應月依陰而附陽盈
於朔望消於朏數尾切魄虛於上下弦息於輝朒女六切
見東故潮有大小焉今起月朔夜半子時潮平於地之
子位四刻一十六分半月離於日在地之辰次日移三
刻七十二分對月到之位以日臨之次潮必應之過月
望復東行潮附日而又西應之至後朔子時四刻一十
六分半日月潮水俱復會於子位其小盡則日離於日
在地之辰次日移三刻一十三分半對日到之位以日

臨之次潮必應之至後朔子時四刻一十六分半日月
潮水亦俱復會於子位是知潮常附日而右旋以月臨
子午潮必平矣月在卯酉必盡矣或遲速消息之小
異而進退盈虛終不失其期也或問曰四海潮平皆有
漸惟浙江濤至則巨如山岳奮如雷霆水岸橫飛雪崖
傍射澎騰奔激吁可畏也其漲怒之理可得聞乎曰或
云夾岸有山南曰龕北曰赭二山相對謂之海門岸狹
勢逼湧而爲濤耳若言狹逼則東溟自定海縣名屬吞
餘姚奉化二江江以縣爲名一屬倅之浙江尤甚狹逼
潮來不聞濤有聲也今觀浙江之口起自纂風亭地名

稽北望嘉興大山屬秀州水濶二百餘里故海商無船畏

避沙渾不由大江水中沙渾徒旱惟泛餘姚小江易舟而浮

運河達于杭越矣蓋以下有沙渾南北巨連隔礙洪波

蹙遏潮勢夫月離震兌他潮已生惟浙江潮水不同月

經乾巽潮來已半濁浪堆滯後水益來於是溢於沙渾

猛怒頓湧聲勢激射故起而為濤耳非江山淺逼使之

然也

段成式酉陽雜俎有諾臯記又有支諾臯意義難解春

秋左氏傳襄公十八年秋齊侯伐我北鄙中行獻子將

伐齊夢與厲公訟弗勝公以戈擊之首墜於前跪而

之奉之以走見梗陽人巫臯他日見諸道與之言同巫

曰今茲主必死若有事於東方則可以逞獻子許諾疑

此事也臯伯宇談助云靈竒秘要辟兵法正月上寅日

禹步取寄生木三呪曰喏臯敢告日月震雷令人無敢

見我我為大帝使者乃斷取五寸陰乾百日為簪二七

循頭還着令人不見臯說非也

昔楚襄王與宋玉遊高唐之上見雲氣之異問宋玉玉

曰昔先王夢遊高唐與神女遇玉為高唐之賦先王謂

懷王也宋玉是夜夢見神女寤而白王王令玉言其狀

使為神女賦後人遂云襄王夢神女非也古樂府詩有

之本自巫山來無人覩容色惟有楚懷王曾言夢相識
李義山亦云襄王枕上元無夢莫枉陽臺一片雲今文
選本玉王字差誤

古文篆者黃帝史衙人蒼頡所作也蒼頡姓侯剛氏衙
音語

杜甫詩丹青引學書瀆學衛夫人但恨無過王右軍衛
夫人名鑠字茂漪即廷尉展之弟恒之從妹汝陰太守
李矩之妻中書郎李充之母王逸少師筆鍾法能正書
入妙能品王子敬年五歲已有書意夫人書大雅吟賜
之

杜甫詩雨拋金鎖甲苔卧綠沉槍薛倉舒注杜詩引
頻秦書云符堅造金銀綠沉細鑑金爲錠以縲之綠沉
精鐵也北史隋文帝嘗賜張翥綠沉甲獸文具裝武庫
賦云綠沉之槍唐鄭棨聯句有亭亭孤筴綠沉槍之句
續齊諧記云王敬伯夜見一女命婢取酒提一綠沉漆
榼王羲之筆經有又以綠沉漆竹管見遺亦可愛翫簫
子雲詩云綠沉弓項縱紫文刀橫拔恐綠沉如今以漆
調雌黃之類若調綠漆之其色深沉故謂之綠沉非精
鐵也

李義山代魏宮私贈詩云來時西館阻佳期去後漳河

隔夢思知有宓妃無限意春松秋菊可同時代元城吳
令質暗爲荅云背闕歸藩路欲分水邊風日半西曠襄
王枕上元無夢莫枉陽臺一片雲第一篇注云黃初三
年已隔存沒追逮其意何必同時按此詩當是四年作
甄后黃初二年郭后有寵后失意帝大怒六月遣使賜
死葬于鄴洛神賦云黃初三年朝京師還濟洛川李善
云三年立植爲鄆城王四年徙封雍丘其年朝京師又
文紹云三年行幸許又曰四年三月還維陽並云四年
朝此云二年誤矣然盛年之不當李善云謂少壯之時
不能得當君王之意此言微感甄后之情黃初二年植

此語侯氏曰此語者准以植葬禮也

有司請治罪故貶爵安鄉侯改封鄆城侯後求見帝黃
初四年來朝帝責之置西館未許朝上書躬詩裴劔傳
奇載感甄賦之因文字淺俗不可信元微之代曲江老
人百韻有班女恩移趙思王賦感甄何也李善注感甄
賦云東阿王漢末求甄后逸女不遂太祖回與五官中
郎將植殊不平晝思夜想忘寢與食黃初山入朝帝示
植玉縷金帶枕植見之不覺泣下時已爲郭后讒死帝
意亦悟因令太子留宴飲以枕賚植植還度輟轅將息
洛水上忽見女子來自云我本託心君王其心不遂此

枕是我嫁時從嫁前與五官中郎將今與君王遂用薦
枕蓆歡情交集又云豈不欲常見但爲郭后以糠塞口
令被髮掩面羞將此形貌重覩君王耳言訖遂不復見
所在遣人獻珠於王王答以玉佩悲喜不能自勝因作
感甄賦後明帝見之改爲洛神賦云孔融傳云初曹操
攻屠鄴城袁氏婦子多見侵掠而操子丕納袁熙妻甄
氏魏略云鄴城破文帝入紹舍后脇伏姑膝上帝今舉
頭就視見其顏色非常太祖聞其意爲迎取之

李太白過彭蠡湖詩云水碧或可採金膏秘莫言余將
振衣去羽化出囂煩江文通擬王徵君詩云水碧驗未

點金膏靈詎緇翰曰水碧水玉也金膏仙藥也又擬郭
璞云傲睨摘木芝凌波採水碧謝靈運入彭蠡湖口作
雲物多珍恠異人秘精鬼金膏滅明光水碧輟流温注
云水碧水玉也此江中有之然皆滅其明光止其温潤
穆天子傳河伯示汝黃金之膏山海經云耿山多水碧
又云柴桑之山潯陽水其下多碧多冷石赭未知何物
余常見墨子道書天藥中有水脂碧者當是洪炎雜家
引舊說云宮亭湖中有孤石介立周圍一里竦直百丈
上有玉膏可採梅聖俞聽潘歙州話廬山詩云絕頂水
底花開謝向淵腹風力豈能加日氣豈能喚攬之不可

得滴瀝空在掬豈非水碧耶予久遊廬山不聞有此
柳子厚詩云漁翁夜傍西巖宿曉汲清湘燃楚竹烟消
日出不見人欸乃一聲山水綠欸音櫂乃音靄相應之
聲也今人誤以二字合爲一劉言史瀟湘游云夷女采
山蕉緝紗浸江水野花滿髻粧色新聞歌暖迺深峽裏
暖迺知從何處生當時泣舜斷腸聲此聲同而字異也
暖迺即欸乃字

李義山崇讓宅讌詩風過迴塘萬竹悲洛陽有崇讓坊
有河陽節度使王茂先宅李即茂先之壻常氏述征記
云此坊出於竹及桃

離騷九歌章句名曰九而載十一篇何也曰九以數名
之如七啓七發非以其章名或云國殤禮蒐不在數者
除國殤禮蒐只二十三篇韓文公云屈原離騷二十五
王逸云漁父以上二十五合國殤禮蒐也劉淵林注魏
都賦引九章之辭曰部也必獨立引卜居之辭曰橫江
潭而漁今閱二篇又無是一句信有闕文淵林出漢後
何爲獨見全書也嘗有策問云蕭統文選載九歌無國
殤禮蒐晁無咎謂大招古奧疑原作今起離騷經遠遊
天問卜居漁父大招而云九章九歌又十八則原賦存
者二十四篇耳惜哲盡叙原意末云鸞鳳之高翔見盛

德而後下與賈誼中屈原文云鳳凰翔於千仞今覽德
輝而下之斷章趣同將誼效之也抑固二十五篇之一
未可知也若如文選去國殤禮竟以大招惜哲補則二
十五篇似爲足矣橫江潭而漁揚雄答客難有之如賈
逵班固於離騷經營以所見改易無疑則九章卜居如
王逸事或有改易未可知也書之闕文未易深攷

杜甫野航恰受兩三人晉郭翻乘小舟歸武昌安西將
軍庾亮造之以其船狹小就引大船翻曰使君不以鄙
賤而猥辱臨之此固野人之船也

李商隱詩云何人書破蒲葵扇記晉南塘移樹時蒲葵
標櫬也晉陽秋謝太傅鄉人有器中宿縣詣安安問
資答曰唯有五萬蒲葵扇安乃取其中者執之其價數
倍又王羲之見老姥持六角扇賣之因書其扇各五字
老姥初有難色羲之謂曰但云右軍書以求百金姥從
之人競買之乃二事誤用也

杜甫洗兵馬左太冲魏都賦云洗兵海島刷馬江州六
韜武王問太公兩輜車至軫何也云洗甲兵也魏武兵
要曰大將將行兩濡衣冠是謂洗兵
海上人云蛤蜊文蛤皆一潮生一暈

趙純師孟云澶淵之役班師留兵器於開德府謂之御

前甲仗庫著令監官四員宗室庫內有張承業財計書李克用兵法此書亡

真贗贗偽也韓非子云宋人求饒鼎魯人云真也齊人曰贗也

夏歸藏云士無兼年之食遇天飢妻子非妻子也大夫無兼年之食遇飢與喪臣妾非其有也國無兼年之食遇天飢百姓非所有也戒之哉

綢繆兩字而有數義詩云綢繆牖戶注云纏綿也王粲云綢繆清燕娛五臣云綢繆親重貌吳質答東阿王書云是何慰喻之綢繆乎注云綢繆殷勤之意也

老杜注孔巢父幾歲寄我空中書用史宗引小兒騰空覺脚下有波濤寄書事乃蓬萊仙人也洪慶善云空中書乃鴈足書非也

酒謂之歡伯焦貢易林坎之允遜之未濟辭云酒爲歡伯除憂來樂福喜入門與君相索伯音博協音也王琪君玉金陵飲酒詩云蜀江雪浪來天際一派泉春寶釵碎蓋謂水碓春金釵糯也金釵乃糯米之名詩載荆公集中非是

杜牧之詩云娉娉嫋嫋 二三餘蕊梢頭二月初不解 荳蔻之義閱本草荳蔻花作穗葉卷之而生初如芙

芙蓉穗頭添紅色葉漸展花漸出而色微淡亦有黃白色似山薑花花生葉間南人取其未大開者謂之含胎花言尚小如姪身也

東坡和陶詩云再遊蘭亭默數永和攷蘭亭之會自右軍謝安凡四十二人後大曆中朱迪呂謂吳筠章八元等三十七人經蘭亭故池聯句有賞是文辭會歡同癸丑年之句必有此事也

陶淵明閒情賦必有所自乃出張衡同聲歌云邂逅承際會偶得充後房情好新交接颺慄若探湯願思爲完席在下敵匡床願爲維余疇在上衛風霜

東坡濁醪有妙理賦云濁者以飲吾僕清者以飲吾友僕謂我也或以爲奴僕誤矣

吳越春秋云吳國西子被殺杜牧之詩云西子下姑蘇一舸逐鴟夷東坡詞云五湖聞道扁舟歸去仍攜西子予問王性之性之云西子自下姑蘇一舸自逐范蠡爲兩義不可云范蠡將西子去也嘗疑之別無所據因觀唐景龍文館記宋之問分題得浣紗篇云越女顏如花越王聞浣紗國微不自寵獻作吳宮娃山藪半潛匿苧羅更蒙遮一行霸勾踐再笑傾夫差豔色奪常人效顰亦相誇一朝還舊都靚粧尋若耶鳥驚入松蘿魚畏

沉荷花始覺冶容妾方恨羣心邪此詩云復還會稽又與前不同當更詳考

蔡中郎石經漢靈帝熹平四年邕以古文篆隸三體書五經刻石於太學至魏正始中又爲一字石經相承謂之七經正字唐志又有今字論語二卷豈邕五經之外復有此乎隋經籍志凡言一字石經皆魏世所爲有一字論語二卷不言作者之名遂以爲邕所作恐唐史誤比齊遷邕石經于鄴都至河濱岸崩石沒于水者幾半隋開皇中又自鄴運入長安尋兵亂廢棄唐初魏鄭公爲集所餘十不獲一而傳拓之本猶存秘府當時一字

石經猶數十卷二字石經止數卷而已由是知漢石經之亡久矣魏石經近世猶存堙滅殆盡往年洛陽守因閱營造司所棄碎石識而取之凡得尚書論語儀禮合數十段又有公羊碑一段在長安其上馬日磧等所正定之本據洛陽記曰磧等題名本在禮記而日磧乃在公羊碑益知非邕所爲也尚書論語之文今多不同非孔安國鄭康成所傳之本也獨公羊當時無他本故其文與今文無異然皆殘缺已甚宋敏求洛陽記云漢靈帝詔諸儒正定五經刊石熹平四年蔡邕與五官中郎將堂谿典光祿大夫馬日磧議郎張訓韓說太史令單

颺等奏定六經刊於碑後諸儒晚學咸取正焉及碑始
立其觀視及筆寫者車乘日千餘兩填塞街衢其碑爲
古文篆隸三體立太學門外又云魏正始中立篆隸古
文三字石經又刊文帝典論六碑附其次於太學又非
前所謂一字石經也又晉石經隸書至東魏孝靜遷于
鄴世所傳一字石經即晉隸書又非魏碑也今漢碑不
存晉魏石經亦繆謂之蔡邕字矣唐秘書省內有蔡邕
石經數十段後魏末自洛陽徙至東宮又移將作內坊
貞觀四年魏徵奏於京師秘書內省置武后復徙於祕
書省未知其一字與二字也

左氏莊公寤生驚姜氏故名曰寤生遂惡之杜預曰寐
寤而莊公已生故驚而惡之甚言其生之易也據風俗
通不舉寤生子俗說兒墮地未可開目便能視者謂之
寤生子妨父母鄭武公老終天年姜氏亦然豈有妨父
母乎其說與杜預異

紹興府軒亭臨街大樓五通神據之土人敬事程公異
帥越盡去其神改爲酒樓神座下有一大酒字亦非偶
然目爲和旨樓取食貨志酒酤在官和旨使人

昔張敏叔有十客圖忘其名子長兄伯聲嘗得二十客
牡丹爲貴客梅爲清客蘭爲幽客桃爲妖客杏爲豔客

蓮爲溪客木犀爲巖客海棠爲蜀客躑躅爲山客梨爲
淡客瑞香爲閨客菊爲壽客木芙蓉爲醉客酴醾爲才
客臘梅爲寒客瓊花爲仙客素馨爲韻客丁香爲情客
葵爲忠客含笑爲佞客楊花爲狂客玫瑰爲刺客月季
爲癡客木槿爲時客安石榴爲村客鼓子花爲田客棣
棠爲俗客曼陀羅爲惡客孤燈爲窮客棠梨爲鬼客
襄漢隱者躬耕數畝因古冢爲亭往來題詩甚富一日
柱間得一絕相傳曰公作也冢上爲亭鬼莫嗔冢頭人
即冢中人憑欄莫起存亡意除却虛空總是塵

長兄伯恭云洛中董氏蓄雷琴一張中題云山虛水深

雷籟蕭蕭口無人蹤惟石嶕峣狀其聲也其外漆下隱
有朱書云洛水多清泚崧高有白雲聖朝容隱逸時得
詠南薰此詩今見宋之問集

滕達道蓄雷威琴中題云石山孫枝榦剪伏羲將扶大
隱永契神機徐浩書字類石經今歸居氏矣

嘗見一琴中題云唐大曆三年仲夏十二日西蜀雷威
於雜花亭合

莫承之琴池之側有隸字云中平四年遂客蔡邕吳中
斷

李巽伯云先公得雷威琴錢氏物也中題云嶧陽孫枝

匠成雅器一聽秋堂三月忘味故號忘味云為當代第一
長兄伯聲云昔至澠邑獲一古琴中題云合雅大樂成
文正音徽絃一泛山水俱深雷威斷歐陽詢書陝郊處
士魏野家藏後歸澠人温氏予得之喜而不寐野嘗有
詩云棊退難饒客琴生却問兒聲又過忘味云

樵李僧智和蓄一琴雲和樣天池上題云南海夷島產
木有堅如石文橫銀屑者夷名曰伽陀羅余愛其堅又
貴其異遂用作此臨岳製五行行七字下橫四字李陽
冰書後智和云沒官迺入樂府遂入禁中或云蔡叔羽

以

伊南山戶店篋管谷隱士趙彥安獲一琴斷文奇古真
蛇耐也聲韻雄遠中題云霧中山三字人莫曉也後得
蜀郡草堂閒話中載云雷氏斷琴多在峨眉無為霧中
三山方知為雷琴矣

何都巡出古鏡背龜紐以蓮葉承之左右彈琴仙人一
鳳皇對舞帶有銘云對鳳皇舞鑄黃雲帶陰陽各有配
日月恒相會白王芙蓉匣翠羽瓊瑤帶同心人心相親
照心照膽保千春

李晦之一鏡背有八柱十二獸面微鳥燕有銘云尚方

佳貢大毋傷左龍右虎辟牛羊朱鳥玄武順陰陽子孫
備具居中央長保二親樂富昌

近見一鏡如鍾樣鼻有大環有隸字云一生有十口前
牛無角後走有口十三字下有一虎其字恐甲午字謎
也

近得一夾鏡大鼻叩之中虛有冠劍四人一題忠臣伍
子胥一吳王一越王一范蠡又二婦人云越王二女皆
小隸字製作奇古沈存中云夾鏡最難得

宣和貴人家有寫唐會要一軸係第七卷後題行官揚
小瑛書字畫頗佳其議山峻流中稱虞世南者至再上

蹴則不稱姓止云世南

李商隱有當句對詩云密邇平陽接上蘭秦樓駕瓦漢
宮盤池光不定花光亂日氣初泊露氣乾亦有當句對
而兩句不對者如陸龜蒙詩云但說漱流并枕石不辭
蟬腹與龜腸

齊斧虞喜志林齊側階切凡師出齊戒入廟受斧故云
齊也陳琳云腰領不足以膏齊斧服虔注云易喪其資
斧張晏云斧鉞也以整齊天下應劭云齊利也蕭斧或
云越斧也淮南子云磨蕭斧以伐朝菌蕭之義未詳太
平御覽引漢書王莽傳喪其齊斧音齊

劉夢得詩有盃前膽不弱趙總有吞船酒膽弱禮部韻
唐韻並無集韻在山字韻音呼關切頑也

魚皆逆水上近有詞云江水東流郎又西問尺素何由
到似非也古樂府緩聲歌云思東流之水必有西上之
魚

大木百圍生遠籟朱絃三嘆有遺音東坡介甫皆有此
句

東坡詩云仙人拊我頂結髮授長生李太白詩也

梁昭明淵明集叙曰自銜自媒者士女之醜行此二句
出陳思王求自試表李善注云越絕書范蠡自楚之越

越王與言盡口大夫石賈進曰銜士不信客歷諸侯無
因自致非真賢也

李商隱燒香曲云八蠶繭與綿小分炷獸焰微紅隔雲母
左太冲吳都賦云鄉貢八蠶之綿注云有蠶一歲八育
雲南志云風土多暖至有八蠶言蠶養至第八次不中
爲絲只可作綿故云八蠶之綿

劉向別錄云讎校書一人持本一人讀對若怨家故曰
讎書

世傳樊川別集爲杜牧之詩乃許渾詩渾有丁卯集鳥
絲欄上木者唐彥猷家有數十首皆樊川外集中詩也

丁卯乃潤州城南橋名渾居此橋謂之丁卯莊故基尚在

杜甫詩云弩影落杯中風俗通應彬爲汲令請主簿杜宣賜酒壁上有懸赤弩照於杯中形如蛇宣惡之謂蛇入腹遂病後至其故處知弩影遂解與廣客事相類梁簡文卧疾詩云沉痾類弩影

劉禹錫龍墀遙望麴塵絲使麴塵字者極多禮記月令薦鞠衣于上帝告桑事注云如鞠塵色周禮內司服鞠衣鄭司農云鞠衣黃桑服也色如鞠塵象桑葉始生乃知用麴藥字非是

杜用月詩云塵匣元開鏡風簾自上鉤乃用沈雲卿詩臺前疑掛鏡簾外自懸鉤又云春水船如天上坐沈云人如天上坐魚似鏡中懸又云嫩藥濃花蒲目斑沈云園花璫瑁斑雖一字亦有所本也

山谷題牧護歌後云向常問南方衲子牧護是何種語皆不能說後見劉夢得作夔州刺史樂府有牧護歌似是賽神語亦不可解及來黔中間賽神者夜歌聽說儂家牧護末云奠酒燒錢歸去雖長短不同要皆自叙五七十語乃知蘇溪夔州故作此歌學巴人曲猶石頭學魏伯陽作參同契也予長兄伯聲嘗攷火杖字其畫從

天胡神也音醯堅切教法佛經所謂摩醯首羅也本起
大波斯國號蘇魯支有弟子名玄真習師之法居波斯
國大總長如火山後行化於中國宋次道東京記寧遠
坊有祆神廟注云四夷朝貢圖云康國有神名祆畢國
有火祆祠疑因是建廟或傳晉戎亂華時立此又據杜
預左傳注云唯受汴東經陳留梁譙彭城入泗此水次
有祆神皆杜祠之蓋殺人而用祭也此即火祆之神其
來蓋又至唐貞觀五年有傳法穆護何祿將祆教詣闕
聞奏勅令長安崇化坊立祆寺號大秦寺又名波斯寺
至天寶四年七月勅波斯經教出自大秦傳習而來又

什中國爰初建寺因以爲名將以爲人

京波斯寺宜改爲大秦寺天下諸州郡有者準此武宗
毀浮圖籍僧爲民會昌五年勅大秦穆護火祆等六十
餘人並放還俗然而根株未盡宋公言祆立廟出於胡
俗而未必究其即波斯教法也又嘗見官品令有祆正
祆法初來以鴻臚寺爲禮遠令邸後世因用以僧尼隸
焉設官來歷如此祆之有正想在唐室始段成式酉陽
雜俎孝億國界三千餘里舉俗事祆不識佛法有祆祠
三千餘所又銅馬俱在德建國烏許河中灘流中有火
祆祠相傳祆神本自波斯國乘神通來因立祆祠祠內

無像於大屋下置小廬舍向西人向東禮神有一銅馬
國人言自天而下屈前足在室中後足入土自古數有
穿視竟不及其蹄西夷以五月爲歲每歲自烏許河中
有馬出其色如金與此銅馬嘶鳴相應俄復入水近有
大食不信入祆祠將壞之忽有火燒其兵遂不敢毀則
祆教流行外城延入中國蔓衍如此康國蓋在西朝貢
圖之言與此合也教坊記曲名有牧護字已播在唐樂
府崇文書有牧護詞乃李燕撰六言文字記五行災福
之說則後人因有作語爲牧護者不止巴人曲也祆之
教法蓋遠而穆護所傳則自唐也蘇溪作歌之意正謂

小這似是而非者因以爲戲非效矣同契之比山
谷蓋未深攷耳且祆有祠廟因作此歌以審神固未知
劉作歌詩止效巴人之語亦自知其源委也

元豐初盧秉提點兩浙刑獄會朝廷議鹽法秉謂自錢
塘縣楊村場上流接睦歙等州與越州錢清場等水勢
稍淡以六分爲額楊村下接仁和縣湯村爲七分鹽官
場爲八分並海而東爲越州餘姚縣石堰場明州慈谿
縣鳴鶴場皆九分至岱山昌國又東南爲温州雙嵒南
天富北天富十分著爲定數蓋自岱山及二天富皆取
海水煉鹽所謂熬波也自鳴鶴西南及湯村則刮鹽以

淋鹵以分計之十得六七鹽官湯村用鐵盤故鹽色青
白而鹽官鹽色或少黑由曬灰故也湯村及錢清場織
竹爲盤塗以石灰故色少黃竹勢不及鐵則黃色爲嫩
青白爲上色黑多鹵或又有泥石不宜久停若石堰以
東雖用竹盤而鹽色光白以近海水鹹故爾後來法雖
小變公私所便大抵不易盧法

秦誓文有三本傳於世岐陽告巫咸朝那告大沈要冊
告亞駝岐陽之石在鳳翔府署朝那之石在南京蔡挺
家亞駝之石在洛陽劉沈家其言述秦穆公與楚成王
遂及熊相背十八世詛盟之罪以史記世家考之秦計

八世當惠文王秦穆公同秦穆公縱橫秦穆公謂此詛政爲懷

王也懷王十一年李兌約五國以伐秦懷王爲從長史

云蘇秦約六國代懷王爲長是年魏韓趙燕楚
擊秦齊獨後時蘇秦已死戰國策云李兌明甚秦迎擊

之皆引而歸今文云熊相率諸侯之兵以臨加我是也

後五年懷王忿張儀之詐發兵攻秦敗於藍田文又云

悉與其衆以備我邊境是也惠王後十三年王遣庶長

章拒楚師明年大敗之丹陽遂取楚漢中地六百里文

又云克劑楚師復畧我邊城是也或以爲熊商時商與

相聲相近而事非是或以爲頃襄時頃襄王橫立乃在

秦昭王九年歷惠文武王至昭王是時楚已失郢微弱

已甚秦何所畏而詛之哉或以熊相牟姓元和姓纂有
熊相宜僚又有熊相折為懷王將然亦非是熊相疑懷
王名史記世家作槐當時脫誤遂不可考今存古本隨
字辨釋錄之於後又秦嗣主敢用吉玉宣璧使其宗祝
邵馨布愍告于不讀作顯大沈父秋秋由反惡晚即音子
河也在并州巫咸在解州鹽池西南父呂底楚王熊相
秋在安定郡朝那秋也以下字多假借之多臯昔我先君穆公及楚成王是王之望繆勳力同
心兩邦若壹緯呂婚姻音之呂齊盟曰葉萬子孫毋
相為不利親印仰大沈父秋而質焉今楚王熊相康庸
回無道淫失佚甚音亂宣參古侈竟從縱變輸渝盟刺

內之剽古則字武音薄虛不姑並作孽字刑戮孕音

幽刺殺親戚拘圉其叙父寘者讀諸下冥室積棺之中

外之則冒改父心不畏皇天上帝及大沈父秋之光列

烈威神而兼倍十八世之詛盟率諸侯之兵呂臨加我

欲剗伐杜稷伐威音許我百姓求箴法皇天上帝及大

沈父秋之卹祠圭王羲犧牲速取古我邊我新音

縣及邠長殺我不敢曰可今又悉興其眾張矜意音力

於也怒飾甲底兵奮士盛師以偪我邊兢境將欲復其

貳迹唯是秦邦之羸眾散賦輸讀作輸音棧與禮使介

老將之呂自救也巫咸亞驪作亦應尊讀作皇天上帝

及大沈久湫之威靈德賜克劑

音邊為反爾雅云勇齊也巫咸作劑字古劑字

亞馳作劑字古尸字克字巫咸作克

楚師且復略我邊

城敢數楚王之倍盟犯詛著者石章呂盟大神之威神

杜鄴子夏尤長小學小學謂文字之學也周禮八歲入

小學保氏教國子以六書故因名云鄴子林好古有雅

才建武中歷位列卿至大司空其正文字過於鄴故言

小學者宗於杜林三蒼蒼頡篇訓纂篇傍喜篇三蒼一

卷郭璞注秦相李斯作蒼頡篇楊雄作訓纂篇後漢郎

中賈魴作傍喜篇故曰三蒼梁有蒼頡二卷杜林注見

隋經籍志又小學篇一卷晉下邳內史王義撰又小學

九篇楊方撰始字一卷勸學一卷蔡邕撰司馬相如作

凡將篇班固太甲篇在昔篇崔瑗飛龍篇蔡邕聖皇篇

黃初篇吳章篇蔡邕女史篇合八卷又幼學二卷朱育

撰始學十二卷吳郎中項峻撰又月儀十二卷亡發蒙

記一卷晉著作佐郎束皙撰張挹字詰漢張衡傳注有

蒼頡篇漢安紀注云蒼頡篇云邸舍也又曰帝年十歲

好學史書注云史書者周宣王太史籀所作之書也凡

五十五篇以教童蒙魏王粲傳云邯鄲淳博學有文章

善蒼雅蟲篆通典云漢官儀云能通蒼頡史籀篇補蘭

臺令史滿歲爲尚書郎法言學蒼頡史篇注謂多知奇
難之字三蒼訓詁三卷埤蒼二卷並張挹撰廣蒼一卷
樊恭撰見唐經籍志又有氏字指何承天纂又有呂忱
字林郭璞三蒼解詁阮孝緒字略

杜甫石筍行云君不見益州城西門陌上石筍雙高蹲
古來相傳是海眼苔蘚蝕盡波濤痕雨多往往得瑟瑟
此事恍惚難明論恐是昔時卿相墓立石爲表今仍存
范曄後漢書方術任文公傳公孫述時武擔山折文公
曰西州智士死我乃當之三月果卒唐章懷太子賢注
云武擔山在今益州成都縣北百七十里步楊維禰云云

紀云武都文 什爲女子顏名美絕蓋山精也蜀王納

以爲妃無幾物故乃發卒之成都擔土葬於成都郭中

號曰武擔以石作鏡一枚表其墓華陽國志曰王哀念

之遣五丁之成都擔土爲妃冢蓋地數畝高七丈其

石今俗名爲石筍又梁益紀云石筍二在子城西門外

按圖經在少城中夏門外一百五十步曾折再立之各

高丈餘圍六七尺云其下是海眼即非也或云古誓蜀

之碑舊說昔爲大秦寺其門樓十間皆以眞珠翠碧貴

之爲簾後毀此其遺跡每雨後人多拾得珠翠異物章

懷太子賢乃高宗第六子注漢書在儀鳳中豈杜甫作

詩時漢注未傳即抑老杜流寓四方未之見耶或見而
不以賢言爲然耶酉陽雜俎蜀石笋街夏中大雨往往
得雜色小珠俗謂之地當海眼莫知其故故蜀僧惠巖
曰前史說蜀少城飾以金璧珠翠桓温怒其太侈焚之
今在此地或拾得小珠時有孔者得非是乎博雅瑟瑟
碧珠也杜陽編有瑟瑟墓其色輕明虛薄無與爲比
樂府解題有梁父吟蜀志諸葛亮傳云亮躬耕隴畝好
爲梁父吟藝文類聚吟門云蜀志諸葛亮梁父吟云步
出齊城門遙望蕩陰里里中有三墳纍纍正相似問是
誰家家田疆古冶氏力能排南山又能絕地紀一朝披

李言二桃殺三士誰能爲此誅相國齊晏子又青州
經臨淄縣冢墓門云三士冢在縣南一里三墳周圍一
里高二丈六尺張朮齊記云是烈士公孫捷田開疆古
冶子三士冢所謂二桃殺三士者唐褚亮梁甫吟曰步
出齊城門遙望蕩陰里里內有三墳纍纍皆相似借問
誰家家田疆古冶子李白有梁甫吟一篇云力排南山
三壯士齊相殺之費二桃杜甫李邕登歷下亭云不阻
蓬蒿興得兼梁父吟又登樓詩云可憐後主還祠廟日
暮聊爲梁父吟陸士衡擬今日良燕會云齊僮梁父吟
李善注云蔡邕琴頌曰梁父悲吟不知名爲梁父吟何

義張衡四愁詩云欲往從之梁父艱注云泰山東嶽也
君有德則封此山願輔佐君王致於有德而爲小人讒
邪之所阻梁父泰山下小山名諸葛好爲梁父吟恐取
此意

唐李舟作能大師傳五祖弘忍告之曰汝緣在南方宜
往教授持此袈裟以爲法信一夕南逝忍公自此言說
稍稀時謂人曰吾道南矣時人未之悟壬申公滅度後
諸弟子求衣不獲始相謂曰此非盧行者所得耶使人
追之已去及大師歸至曹溪追者未至遂隱於四會懷
集之間不言雞足峯前提不起事杜甫秋日夔府詠懷

身寄雙峯寺門依七祖禪鮑欽止注云第五祖弘忍
在蘄州東山開法有二弟子一慧能受衣法居嶺南爲
六祖一神秀在北揚化引傳燈錄云北宗神秀禪師尉
氏人訪道至蘄州雙峯東山寺遇五祖忍師以坐禪爲
務乃歎服曰此真吾師也其後神秀門人普寂立其師
爲六祖而自稱七祖因檢傳燈錄神秀法嗣有高山普
寂禪師無機緣語神秀錄云門人普寂居義福等並爲
朝野所重江西志微錄云自南北分宗北宗門人自立
秀師爲第六祖但不見普寂自稱七祖事耳按寶林傳
第三十一祖道信大師姓司馬氏本居河南還於蘄州

廣濟而生隋開皇中從璨大師受業至唐武德七年甲申歲住蘄州破頭山至真觀中方改爲雙峯山第三十二祖弘忍七歲出家事信又云能大師傳法衣處在曹溪寶林寺寶林後枕雙峯咸淳中有晉武侯玄孫曹叔良者住在雙峯山寶林寺左時人呼爲雙峯曹侯溪至儀鳳中叔良惠地于大師自開元天寶大曆以來時人乃號六祖爲雙峯和尚天監二年韶陽太守侯敬中奏請爲寶林寺唐中宗改中興寺神龍中改爲廣果開元中改爲建興上元中改國寧傳後題云安南越記晉初南方不賓勅授恒山立曹溪爲鎮界將軍兼知平南總

管晉室後後封曹侯爲異姓王居石角雙峯二嶠之間白儀鳳二年叔良惠地於大師願陪貴寺方呼爲雙峯曹侯大師也

紹興壬子夏隨侍先公應副都督駐軍建康寓保寧寺登鳳凰臺有小碑在亭上云五言二十韻詩一首題鳳臺山亭子陳獻司空鄉貢進士宋齊丘上嵯峨壓洪泉岸峇撐碧落宜哉秦始皇不驅亦不鑿上有布政臺八顧皆城郭山壓龍虎健水黑鷓鴣作白虹欲吞人赤驥相搏撮畫棟泥金碧石路盤嶠堦倒挂哭月依危立思天鶴鑿池養蛟龍栽桐栖鴛鴦梁明燕教雛石罅蛇懸

穀養花如養賢去草如去惡日晚嚴城鼓風來蕭寺鐸
掃地驅塵埃翦蒿除鳥雀金桃帶葉摘綠李和皮嚼貞
竹無盛衰媚柳先搖落塵飛景陽井草合臨春閣芙蓉
如佳人回首似調謔當軒有直道無人肯駐脚夜半鼠
窸窣天陰鬼敲椽松枯不易立石醜難安看自憐啄木
鳥去蠹終不錯晚風吹梧桐樹頭鳴噪噪我我江令石
青苔何淡薄不話興亡事舉首思渺邈吁哉未到此褊
劣同尺蠖籠鶴羨鳧毛猛虎愛蝸角一日賢太守與我
觀橐籥往往獨自語天帝相唯諾風雲偶不來寰宇銷
一略我欲烹長鯨四海爲鼎鑊我欲取大鵬天地爲繒

繳安得長羽翰雄飛上寥廓後題云前朝大祐八年二
月二十一日題後唐昇元三年二月八日奉勅勒石崇
英殿副使知院事檢校工部尚書兼御史大夫上柱國
王紹顏奉勅書銀青光祿大夫兼監察御史王仁壽鐫
大宋治平四年九月望日重摹上石後數月一夕風雨
亭頽倒石斷裂據湘山野錄載宋齊丘相江南李先主
璟二世皆爲左僕射璟愛其才而知其不正嘗獻鳳凰
臺詩中有我欲烹長鯨四海爲鼎鑊我欲羅鳳凰天地
爲繒繳之句皆欲諷其跋扈也而主終不聽不得意上
表乞歸九華其略云千秋載籍願爲知足之人九朵峯

巒末作乞骸之客主知此詐也試攷之先主昇舊名知
誥爲徐溫養子以天祐九年遷昇州刺史饒洞天薦宋
齊丘於先主齊丘困于逆旅隣娼魏氏女竊賂遺數緡
獲備管幅遂克投贄一見先主賓之以國士今觀題鳳
臺山亭子詩陳獻司空乃鄉貢進士時豈當時所投贄
之時乎後題天祐八年恐記事者差一年也齊丘後事
先主爲相至嗣主時爲太傅多植朋黨以專朝權躁進
之士多附之陳覺李徵古之徒恃其勢猶驕慢徵古嘗
勸後主因天變遜位齊丘賴陳喬以爲不可後主乃止
鍾模以李愬明之死怨齊丘及奉使歸唐以陳覺矯周

柔之命斬嚴續事言於唐主唐主命殷崇義草詔
丘等事聽歸九華舊隱官爵悉如故後命鎖其第六墻
給食齊丘嘆曰吾嘗謀讓皇族於秦州宜其及此乃縊
而死謚曰繆醜野錄載其跋扈主終不聽上表乞歸九
華謬矣

生民詩或春或揄或簸或蹂注云揄抒米以出白也籩
云春而抒出之周官春人女春二人鄭注云枕抒白也
詩云或春或枕音由又音揄或羊笑反揄時女反據許
叔重說文揄引也羊朱切抒把也神與切白抒白也从
爪臼引詩云或簸或白又作抗眈音以治切又集韻枕

旨揄並音由又抗旨音以紹切綠詩揄與旨並音由義亦同故後人改旨爲跡也音以沼者乃今人以手旨物之旨也

建州龍焙面比謂之比苑有一泉極清澹謂之御泉用其池水造茶即壞茶味唯龍園勝雪白茶二種謂之水芽先蒸後揀每一芽先去外兩小葉謂之烏帶又次取兩嫩葉謂之白合留心芽置於水中呼爲水芽聚之稍多即研焙爲二品即龍園勝雪白茶也茶之極精好者無出於此每勝計工價近二十千其他茶雖好皆先揀而後蒸研其味次第減也茶有十綱第一第二綱太

嫩第三綱最妙自六綱至十綱小團至大團而止第一名曰試新第二名曰貢新第三名有十六色龍園勝雪白茶萬壽龍芽御苑玉芽上林第一乙夜供清龍鳳英華玉除清賞承平推玩啓沃承恩雪葉雪英蜀蔡金錢玉華千金第四有十二色無比壽芽宜年寶玉玉清慶雲無疆壽龍萬春銀葉玉葉長春瑞雪翎龍長壽玉圭香口焙興國巖上品揀芽新收揀芽第五次有十二色太平嘉瑞龍苑報春南山應瑞興國巖小龍又小鳳續入額御苑玉芽萬壽龍芽無比壽芽瑞雪翎龍先春太平嘉瑞長壽玉圭已下五綱皆大小團也

孟子曰士未可以言而言是以言餽之也可以言而不
言是以不言餽之也是皆穿窬之類也趙岐注云未可
與言而強與之言欲以言取之也是失言也知賢人可
與言反欲以不言取之是失人也章指注云取人不失
其臧否孫奭音義曰今按古本及諸書並無此餽字郭
璞方言注云音忝謂挑取物也其字從金今其字從食
與方言不同蓋傳寫誤也本亦作餽音奴兼反按玉篇
食字部有餽字注音達兼反古甜字然則字書非無此
字第於孟子言餽之義不合耳今以孟子之文考餽之
義則以餽訓取是也當知郭氏方言其字從金為

餽據玉篇廣韻餽音他點反取也其義與孟子文合廣
韻上聲餽音忝而平聲又有餽字音纖訓曰利也許氏
說文以餽為聿屬乃音纖者其義與音忝者不同各從
其義也孫奭曰本亦作餽音奴兼切此別本孟子也古
之經書皆有別本其用字多異同廣韻又餽音粘食麥
粥也於孟子之文愈不合蓋別本孟子誤譌尤甚
漢官儀云光祿大夫秩比千石不言屬光祿勳門外特
施行馬以旌別之魏志黃初四年楊彪為光祿大夫詔
給吏卒門施行馬晉紀云致仕及遜位者給床帳簟褥
賜錢二十萬給吏卒門施行馬王隱晉書云劉毅字仲

雄年七十告老以光祿大夫致仕門施行馬賜錢百三十萬晉書云王覽爲宗正卿致仕詔遣殿中監療疾給藥復轉光祿大夫門施行馬于寶晉書記尚書僕射李洵母喪拜金紫光祿大夫給吏卒門施行馬晉中興書蔡謨免皇太后詔以謨爲右光祿大夫開府儀同三司上疏陳謝遂以疾篤不朝詔賜几杖門施行馬晉書華表字偉容歆子也太始中爲太中大夫賜祿與卿同門施行馬

江季共說杜甫贈李龜年詩非甫所作蓋岐王死時與龜年死時一詩初又謂夫寶龜年後亦在江南也

溪友議言明皇幸岷山伶官奔走李龜年奔迫江潭甫以詩贈龜年云云又云龜年曾於湘中採訪使筵上唱紅豆生南國秋來發幾枝贈君多採擷此物最相思云云歌闋莫不望行在而慘然然龜年唱罷忽悶絕仆地以左耳微暖妻子未忍殯殮經四日乃蘇曰我遇二妃令教侍女蘭亭唱校模畢放還且言主人即復長安而有中興之主也謂龜年汝何憂乎時甫正在湘潭或有此詩更須攷究

詩曰投我以木瓜報之以瓊琚投我以木桃報之以瓊瑤投我以木李報之以瓊玖傳曰木瓜楸木可食之木

也按詩之意乃以木爲瓜爲桃爲李俗謂之假果者蓋不可食不適用之物也亦猶畫餅土飯之義爾投我以不可食不適用之物而我報之以瓊玉可貴之物則投我之物雖薄而我報之實厚衛國有狄人之敗出處于漕齊威公救而封之遺之車馬器服衛人思之欲厚報之則投我雖薄而我思報之實欲其厚此作詩者之意也鄭箋以木瓜爲楸木則是果實之木瓜也誤矣初學記六帖於果實木瓜門皆引衛風木瓜之詩亦誤昔之記言者謂孔子曰吾於木瓜見苞苴之禮行焉按木瓜詩投報之辭以爲喻爾未見真有投報也恐非孔子之

溱洧詩贈之以勺藥江淹別賦下有芍藥之詩子虛南都一賦言勺藥者乃以魚肉等物爲醢食物也子建七發張景陽七命勺藥云云五臣注勺音酌藥音略廣韻亦有一音子虛賦諸家皆誤以爲溱洧之芍藥韞退之偃城聯句詩云兩相鋪氈能五鼎調勺藥又曰但擲顧笑金難析却老藥二藥不同音也

唐李濟翁資暇錄云古使字作李左氏春秋傳言行李乃是行使後人誤爲李字春秋僖公三十年左氏傳云若舍鄭以爲東道主行李之往來共其困乏杜預曰李

使人也又襄公八年左氏傳云亦不使一介行李告于寡君杜預曰行李行人也又昭公十三年左氏傳曰諸侯靖共好以爲事行理之命無月不至杜預曰行理使人通聘問者或言理或言李皆謂行使也但文其言謂之行李亦作理耳以此知其非改古文爲李也古文字多矣李濟翁不言李字出何書未可遽爾泛舉而改作也劉孝威結客少年場行云少年李六郡遨遊遍五都李作使音

故相王甫爲館職時夜夢至一山間古松流水杳然幽境色甚異四無人跡忽遇一道人引至一處過松下

有廢丹竈又入有茅屋數間道人開之云公之所居也塵埃蓬劫似久無人居者壁間見題字云白髮高僧酷愛閒一鉞一鉢老山間只因窺井生一念從此松根丹竈間恍然悟其前世所居已失道人遂回天大雷雨龍起雲中意甚恐懼遂寤其婢亦魘於室中呼之覺問之云適爲雷雨所驚頗異之來日館中曝書偶觀架上小說內載婦人窺井生男事云孫仲益有王太傅生日詩云了了三生夢松根冷煨爐用此事也窺井事見博物志

羅隱牡丹詩云可憐韓令功成後虛負穠華過此身據

白廷翰唐蒙求韓令牡丹注云元和中京師貴游尚牡丹一本直數萬韓浞私第有之遽命斫去曰豈效兒女邪李挺之諱之才慶曆中以殿中丞為澤州從事時韓中令宣撫河東委以秦鳳鑄鐵錢事行次鳳州為絕句云去年三月洛城遊今日尋春到鳳州欲托雙魚附歸信嘉陵江水不東流挺之族孫君翁熙寧中邵堯夫言之

蔡州褒信縣有棋師閔秀才說嘗有道人善棋凡對局率饒人一先後死于褒信託後事于一村叟數年後叟為改葬但空棺衣衾而已道人有詩云爛柯真訣妙通

神一局曾經幾度春
自下洞來誰下手
得無人處

殷璠為河嶽英靈集不載杜甫詩高仲武為中興間氣集不取李白詩顧陶為唐詩類選如元白劉柳杜牧李賀張祐趙嘏皆不收姚合作極玄集亦不收杜甫李白彼必各有意也

常建有題破山寺後院詩云竹逕通幽處禪房花木深余觀又玄集唐詩類選唐文粹皆作通熙寧元年歐陽求叔守青題廡宇後山齋云竹逕通幽處有以樗杜石本往河內以示邢和叔始未見時亦頗疑其誤及見碑

反覆味之亦以爲佳竟不知別有本邪抑求叔自改之邪古人用一字亦不苟也

李紳題天衣寺詩殿湧全身塔池開半月泉此泉隱於巖下雖月圓池中只見其半最爲佳處紹興初愚禿法聰遂鑿開巖上易名爲滿月泉甚可惜也

熙寧間江寧府句容簿失其姓名至茅山遇道人高坦被髮跣足與簿劇談飲酒終日書一詩留別而去莫知所之詩云巖下相逢不忍還狂歌醉酒且盤桓仇香莫問神仙事天上人間總一般

王防元規嘗云杜詩古本辭人角撰清河頌詩成珠玉

在揮毫蓋爲和舍人故云又云青青竹筴迎船出白白江魚入饌來蓋爲送扶持故云

劉貢父詩話云文人用事誤錯雖有缺失然不害其美杜甫云功曹非復漢蕭何據光武謂鄧禹何以不掾功曹又曹參嘗爲功曹云鄭侯非也按蕭何爲主吏掾即功曹也注在史記高祖紀貢父博洽何爲不知杜謂之詩史未嘗誤用事

青州有劉槩方富韓公守青時遇之甚厚因得臨朐縣西南官地曰冶源結茅居之有雜文及詩歌其子印行青人傳其詩有西軒忽見好溪山一丈閒愁減三尺末

句云讀書誤人四十年有時醉把闌干拍別見温公詩話

杜詩云吾聞駕鼓車不合用騏驎皆言漢文帝以千里馬駕鼓車殊不知南史王融與宋弁等論騏驎駕鼓車也按漢文止卻千里馬建武中以千里馬駕鼓車爾洞庭春水綠於雲日日征帆送遠人曾向木蘭舟上過不知元是此花身一小說唐末館閣數公泛舟以木蘭爲題忽一貧士登舟作此諸公覽詩大驚物色之乃李義山之魄時義山下世久矣又嵐齋集載此詩陸龜蒙於蘇守張搏座上賦此木蘭堂詩未知孰是

後漢范滂母謂滂曰汝得與李杜齊名死亦何恨唐人謂李白杜甫爲李杜子美詩云李杜齊名真忝竊用後漢事也南史謂鮑照謝元暉爲鮑謝又鮑防與謝良弼友善人謂之鮑謝

或謂詩史者有年月地里本末之類故名詩史蓋唐人嘗目杜甫爲詩史本出孟榮本事而新書亦云

太一峯前是我家滿床書籍舊生涯春城戀酒不歸去老却碧桃無限花此作磐良翁詩終南人父信本軍職終文思副使以蔭補借職元豐中監青州臨淄酒稅或以此詩題酒樓皆云是神仙作也

予監台州杜瀆鹽場日以蓮子試滷擇蓮子重者用之
滷浮三蓮四蓮味重五蓮尤重蓮子取其浮而直若二
蓮直或一直一橫即味差薄若滷更薄即蓮沉於底而
煎鹽不成閩中之法以鷄子桃仁試之滷味重則正浮
在上鹹淡相半則二物俱沉與此相類

淋下滷水或以他水雜之但識其舊痕以飯甑蓋之於
中掠去面上水至舊處元滷盡在所去者皆他水或以
甑箆隔之亦可以他物則不可分矣此理未曉孔融論
云弊箆不能救鹽池之滷即此事也鍊化術云飲食過
鹹以飯箆竹數條炙之看其中則汁便淡

青龍寺老柏院存亦小一絕於院壁南鄰

牡丹開年少尋芳去又回唯有君家老柏樹春風來似
不曾來元祐中州學教授畢仲愈題跋刻石於平嵐亭

杜甫贈高十六評事子雖軀幹小晉書載記劉曜時壯

士陳安戰死隴上歌之曰隴上健兒有陳安軀幹雖小

腹常寬秋興云聞道長安似奕棋蓋用甯子視君如奕

棋事絕句云即看翡翠蘭若上用郭景純遊仙詩移居

贈衛大郎清燈照等夷用任彥昇王文憲集序引袁粲
詩之子照清襟

李君翁詩話卜居云寧誅鋤草茅以力耕平詩人皆以爲宋玉事豈卜居亦宋玉擬屈原作邪庾信哀江南賦云誅茅宋王之宅不知何據而言此君翁之陋也唐余古渚宮故事曰庾信因侯景之亂自建康遁歸江陵居宋玉故宅宅在城北三里故其賦曰誅茅宋王之宅寧徑臨江之府老杜送李功曹歸荆南云曾聞宋玉宅每欲到荊州是也又在夔府誅懷古跡云搖落深知宋玉悲江山故宅空文藻然子美移居夔州入宅詩云宋玉歸州宅云通白帝城蓋歸州亦有宋玉宅非止荊州也李義山亦云却將宋玉臨江宅異代仍教庾信居

何遜詩云籀魚如擁劔孟浩然詩云游魚擁劔來按擁劔如彭蠡之類蟹屬一螯偏大故謂之擁劔非魚也

杜甫詩尚想東方朔詼諧割肉歸社日用伏日事蘇黃皆以爲誤也史記年表秦德公二年始作伏祠社乃同日
至漢方有春秋二社與伏分也

老杜水落魚龍夜山空鳥鼠秋陸農師引水經魚龍以秋日爲夜按龍秋分而降則蟄寢於淵龍以社日爲夜豈謂是乎又鳥鼠同穴者鼠與鳥爲雌雄似鼠而尾短在內鳥在外魚龍水名鳥鼠山名鳥鼠秋而魚龍夜是詩兩句而含三事也

李嘉祐守台州詩云春塘露冕歸華陽國志云郭賀爲
荊州刺史百姓歌之曰厥德仁明郭喬卿明帝到南陽
巡狩賜三公之服去檐露冕使百姓見之以彰有德
富陽北十里有妙庭觀存經焚毀無碑誌可攷獨見於
東坡詩董夔成故宅絕句云人去山空鶴不歸丹亡鼎
在世徒悲可憐九轉功成後却把飛仙乞肉芝刻石作
肉芝道流云元本作內東坡見之無他語今印本作肉
芝內之與肉皆未曉其鼎宣和間取去三足中空病者
取以煮藥甚有效

東坡詩云一貴人知成即日朝定道御也何郊入前

事貴人徧召幕客誰何人與御史密者或云有賢良某
人延之令出界候迎兼攜名娼王宮花往候其宴狎出
家姬以佐酒王善舞何公醉喜起其項帕云按徹梁州
更六么西臺御史惜妖嬈從今改作王宮柳舞盡春風
萬萬條至成都此娼出迎遂不復措手而歸

被紫荷橐按荷橐即持荷之荷也或以爲紫荷橐非也
宋子京云猥挈荷橐預從豹乘皆緣習之誤南史劉香
傳言簪筆持橐事甚詳

臨安府仁和縣圖經出橐籥沙在縣東四里海際之人
採用鼓鑄銅錫之模諸州皆來採亦猶邢沙可以碾玉

也

石子惠云中書舍人繫紅鞋尾帶白葉少蘊始有舊服色不佩魚後王照請於朝方佩婦人孺人至夫人凡八人皆佩魚乃張崇啓請

杜甫詩云門闌多喜色女婿近乘龍楚國先賢傳謂塔如龍也女得賢壻謂之乘龍黃憲爲司徒與李元禮俱娶太尉桓焉女時人謂之桓叔元女俱乘龍

韓退之燈花詩云黃裹排金粟釵頭綴玉蟲乃用何遜詩金粟裹搔頭之句

陳克子高詩云鳥聲妨客夢花片攬春心句甚佳杜

魯言詩云啼鳥驚殘夢飛花攬獨愁下句爲工也丁美詩云樹攬離思花冥冥亦有所自矣

王珩彥楚人嘗夢中得詩云杖履步斜暉煙村景物宜溪深水馬健霜重橘奴肥春罷鷄爭黍人行犬吠籬可憐田舍子理亂不曾知

杜少陵悶詩云捲簾惟白水隱几亦青山唐僧栖白閒詩云捲簾當白晝移坐向青山

苴說文展賈切土苴糟魄物又云不真物一音子余切訓包也韓文公進學解補苴罅漏當讀作平聲

許叔微精於醫云五臟蟲皆上行唯有肺蟲下行最難

治當用獺爪爲末調藥於初四初六日治之此二日肺蟲上行也

孟蜀王水殿詩東坡續爲長短句水肌玉骨清無汗水殿風來暗香滿簾開明月解窺人歌枕釵橫雲鬢亂夜深瓊戶寂無聲時見飛星渡河漢屈指西風幾時來只恐流年暗中換

閩廣人食檳榔每切作片蘸麪灰以老葉裹嚼之老音老又音蒲口切初食微覺似醉面赤故東坡詩云紅洲登頰醉檳榔

今人不善乘船謂之苦船北人謂之苦車苦音庫

左傳成公十三年成子受服于杜不敬劉子曰吾聞之民受天地之中以生所謂命也是以有動作禮義威儀之則以定命也能者養之以福不能者敗以取禍杜預注云養威儀以致福班固五行志云能者養之以福顏師古云能養生者則定禮義威儀自致於福此注與杜同左氏本誤

韓退之答柳柳州食蝦蟇詩云蝦蟇雖水居未得變形貌強號爲蛙蛤於實無所校居然當鼎味豈不辱釣罩余雖不下喉近又能稍稍嘗燂然纒夷平生性不樂而君復何爲甘食比豢豹按周禮蝻氏鄭司農云掌玄鼈

鼈即鼈屬玄謂蝸今御所食蛙也漢書霍光擅減宗廟羔兔蛙不知古爲上食也

馬監場云泉州一僧能治金蠶蠱毒如中毒者先以白礬末令嘗不澁覺味甘次食黑豆不腥乃中毒也即濃煎石榴根皮汁飲之下即吐出有蟲皆活無不愈者李晦之云凡中毒以白礬牙茶搗爲末冷水飲之

墨子云楚靈王好細腰故其臣皆三飯爲節脇息然後帶綠墻然後起韓非子云楚莊王好細腰一國皆有飢色劉禹錫踏歌行云爲見襄王故宮地至今猶自細腰多未知孰是

司馬安善宦四至九卿儒林傳許商四至九卿

李賀詩攢蟲鏤古柳劉禹錫詩秋蟲鏤宮樹此二句皆善

毛詩伯兮篇云焉得諛草言樹之背注云諛草令人亡憂背北堂也今人多用北堂萱堂於鰥居之人然伯之暫出未嘗死也但其花未嘗雙開故有北堂之義說文蘆萱葎葎皆一字也令人忘憂通作諛據爾雅諛訓忘也因其忘故古用諛草字嵇康養生論云合歡蠲忿萱草忘憂本草云利心志令人歡喜忘憂風土記云婦人有妊佩之生男子故謂之宜男草陸士衡詩云焉得忘

歸草言樹背與湛忘歸之義未詳

台州杜瀆監之北安聖院僧師肇端午日晝與僧對坐
忽聞屋瓦有聲火光一線下至地少頃遂大如車輪光
燎僧之左臂次及右臂忽入於背不見久之復爲一線
飛去出屋即震雷一聲其僧僅有氣且舉不視之背後
袈裟一圓孔如錢中單圓孔如椀脊下燒一圓瘡瘡楚
甚皆以爲天火不可治予以湯火藥塗之月餘遂無事
怪異如此

西溪叢語卷上終



